

Isches Richtig

1. Strophe

Isches richtig dass ich plän schmid wenn vieles no nit klär isch
In mim läbe und vo dene wo trotz nöchi zu mir färn sin
Darfi abschalte und uffschiebe abwarte und uff blibe
Dr finger in mim arsch lo und mer irede es brucht lieder

Wie die do ----- und dasi dorum no kei zit ha
Spände locker z mache dasis belegt ha so wie pizza
Dr laubfrosch witter stirbt und bald nieme in der aare schwümmt
Well de fuli sack us basel eifach immernonig zahle will

isch das richtig ----- dass es grundsätzlich bach ab goht o
oder schliess ich do vor mir uf euch im stile pars pro toto
klar es goht scho mängisch besser mängisch schlächter
was aber nit immer witzig isch wie d cartoons vom wächter

und isch das richtig wasi khört ha dämlich kunnt vo dame
und herrlich kunnt vo herre isch das richtig kunnt das ane
und zeigt das exemplarisch wie d frau bi uns isch gstellt
oder wie zum tüfel heisst nommol die frau vom willhelm tell

2. Strophe

ob das richtig isch ----- d händ vor jedem ässe z falte
wär cha trotz der gschicht vom chrischtetum si appetitt no bhalte
ich chotz e düfel usem muul und schrei lutlos bisi stumm bi
es flackere no füür und mä spürt d wärmi wo uns umgit

isch das richtig ----- das me d asprüch muess sänke
um d moral dörfe z hebe und normal chönne z dänke
und wär ergitz entwickelt wird schreg agluegt wie magic eye
well dass doch e verstoss isch gegene miede schwizer einheitsbrei

Isch das richtig ----- nach drizäh stunde schlof pro nacht
„isch jetz rüeh do äne gopferdammi in der nochberschaft“
zum fänschter use z brülle -- amne zischtig nomittag
well ich halt wägem kater -- lärm vo chinder nit vertrag

und isch das richtig dass das eigentlich überhaupt nit sie muess
well ich jo d gfohre kenn vo z viel bier und spiritus
doch s isch ähnlich mit de mensche --- ähnlich wie mit autos
laschter sin schwer z brämse ob jetz volvo oder rauche

3. Strophe

Isch das richtig s isch der sinn ----- vo allne spielregle
Dass dä wo sie uffstellt gwünnt ohni miesse viel z rede
Und oft sin sie komplexer als d würfel vom herr rubic
Damit sich der ersteller sini vorteil jo nit uff git

Isch das richtig ----- das mer nit alli könne helde sie
Well wär stoht denn am strosserand und fiirt sie exzessiv ?
Und vieli danke heldetum wird ruhm und ehr ermöglige
Doch zeig du mir emoll e held ich zeig dir e tragödie

D wohrheit sig e gliebt aber leider e sehr scheui
me bsitzt sie niemolls ganz und scho d hälfti sig erfreulich
oder meint me do dermit eifach d wohret isch e schlampe
und nur für idiote well jede dankt er chön sie bhalte?

Ischs richtig dass eim die eign perspektive nie verloht
Und d eitagsfliege dankt dass die wält nur für e tag besteht
und ob jetz schweinerie oder geischtigs pfauerad
gedanke sin wie d mensche mängmoll falsch und trozdam smart